



საქართველო
G E O R G I A

სსიპ - აკაკი წერეთლის სახელმწიფო უნივერსიტეტი
LEPL - AKAKI TSERETELI STATE UNIVERSITY



59 თამარ მეფის ქ., ქუთაისი, 4600, საქართველო
ტელ.: (+995 431) 245 784; (+995 431) 243 833
ელ. ფოსტა: atsu@atsu.edu.ge

59, Tamar Mefe st., Kutaisi, 4600, Georgia
Tel.: (+995 431) 245 784; (+995 431) 243 833
E-mail: atsu@atsu.edu.ge

№ 01-04/29 23.05.2017წ. 350

რექტორის ბრძანება № 193 § 1/02 26.10.2012წ. გაუქმებისა და შუალედურ და დასკვნით
გამოცდაზე სტუდენტთა მოვალეობებისა და ქცევის წესების დამტკიცების შესახებ

ვბრძანებ:

1. სტუდენტი ვალდებულია გამოცდაზე გამოცხადდეს საგამოცდო ცხრილში მითითებულ დროზე;
2. დაგვიანების შემთხვევაში სტუდენტი გამოცდაზე არ დაიშვება;
3. სტუდენტი ვალდებულია გამოცდაზე იქონიოს სტუდენტის ბილეთი ან პირადობის დამადასტურებელი მოწმობა;
4. სტუდენტის ბილეთი ან პირადობის დამადასტურებელი მოწმობის არ ქონის შემთხვევაში სტუდენტი გამოცდაზე არ დაიშვება;
5. სტუდენტს გამოცდაზე უნდა ჰქონდეს მხოლოდ სტუდენტის ბილეთი ან პირადობის მოწმობა და საწერკალამი;
6. სტუდენტი საგამოცდო ნაშრომს ასრულებს მხოლოდ ლურჯი ფერის კალმით;
7. წერის დაწყებამდე სამუშაო მაგიდაზე რაიმე სხვა ფურცლის აღმოჩენის შემთხვევაში სტუდენტი იღებს გაფრთხილებას, მსგავსი ან ნებისმერი სხვა დარღვევის განმეორებისას მოიხსნება გამოცდიდან;
8. სტუდენტი ვალდებულია შეამოწმოს მისთვის დარიგებული საგამოცდო ფურცელი, ხომ არ არის დაზიანებული. დაზიანების შემთხვევაში უნდა მიმართოს მეთვალყურეს. საგამოცდო დროის ათვლის დაწყების შემდეგ პრეტენზია აღარ მიიღება;
9. გამოცდის მიმდინარეობის დროს საგამოცდო ნაწერი უნდა შესრულდეს მეთვალყურის მიერ დარიგებულ საგამოცდო ფურცლებზე. წინააღმდეგ შემთხვევაში ნაწერი არ გასწორდება;
10. საგამოცდო ფურცელზე სტუდენტი აწერს მხოლოდ ჯგუფის ნომერს;
11. საგამოცდო ფურცელზე რაიმე სახის მინიშნების შემთხვევაში ნაწერი არ გასწორდება;
12. შუალედური გამოცდის ხანგრძლივობა, როგორც წესი არ აღემატება 1 საათს;
13. დასკვნითი/დამატებითი გამოცდის მაქსიმალური ხანგრძლივობა, როგორც წესი არ აღემატება 1,5 საათს;
14. საგამოცდო დროის ათვლის დაწყების შემდეგ სტუდენტისთვის აკრძალულია აუდიტორიიდან გასვლა სამუშაოს სრულად დამთავრებამდე (განსაკუთრებულ შემთხვევაში სტუდენტი ტოვებს გამოცდას ერთ-ერთ დამკვირვებელთან ერთად);

15. საგამოცდო საკითხებთან დაკავშირებულ შინაარსობრივ ხასიათის შეკითხვაზე პასუხი არ გაიცემა, რადგან საგამოცდო სექტორის წარმომადგენელს არ აქვს უფლება შინაარსობრივ ხასიათის შეკითხვებზე პასუხის გაცემისა;

16. პროცედურული და ტექნიკური ხასიათის შეკითხვების შემთხვევაში სტუდენტმა ხელის აწევით უნდა მიმართოს დამკვირვებელს და შეკითხვა დასვას ხმამაღლა;

17. აკრძალულია გამოცდის პროცესის დროს სტუდენტებს შორის საუბარი. ურთიერთგადალაპარაკების შემთხვევაში სტუდენტი მიიღებს გაფრთხილებას, მსგავსი ან ნებისმიერი სხვა დარღვევის განმეორებისას იგი იხსნება გამოცდიდან;

18. სტუდენტს ეკრძალება მობილური ტელეფონის ან სხვა ელექტრონული ხელსწყოების გამოცდაზე ჩართულ მდგომარეობაში შეტანა;

19. სტუდენტი გამოცდიდან გაფრთხილების გარეშე მოიხსნება, თუ მას გამოცდის მიმდინარეობისას დამკვირვებელმა(საგამოცდო სექტორის უფლებამოსილმა პირმა) აღმოუჩინა ე.წ. „შპარგალკა“, მობილური ტელეფონი, ყურსასმენი ან სხვა ელექტრონული აპარატურა (ჩართულ მდგომარეობაში);

20. გამოცდიდან მოხსნილი სტუდენტის ნაშრომი არ გასწორდება;

21. სტუდენტმა სამუშაოს დასრულების შემდეგ საგამოცდო ბილეთი და ფურცლები უნდა ჩააბაროს დამკვირვებელს;

22. დანიშნული გამოცდის საპატიო მიზეზით გადავადდება, ან გამოცდაზე უარის თქმა შესაძლებელია სტუდენტის წერილობითი განცხადების საფუძველზე, მოთხოვნის საპატიო მიზეზის მითითებითა და დასაბუთებით. განმეორებით გამოცდაზე სტუდენტი დაიშვება: ძირითად გამოცდაზე საპატიო მიზეზით გამოუცხადებლობის გამო, უნივერსიტეტისა და შეესაბამისი ფაკულტეტის ადმინისტრაციასთან შეთანხმებით;

23. თუ სტუდენტი გამოცდაზე არ გამოცხადდა საპატიო მიზეზით (მაგ. ავადმყოფობის გამო), მაშინ მან უნდა მიმართოს უნივერსიტეტის რექტორს და ფაკულტეტის დეკანს განცხადებით და დაურთოს შესაბამისი ცნობა. ამ შემთხვევაში შესაძლებელია სტუდენტი დაიშვას გამოცდაზე დამატებით სასესიო პერიოდში;

24. სტუდენტმა გამოცდაზე ნებისმიერი ტექნიკური სახის პრობლემის შექმნისას უნდა მიმართოს დამკვირვებელს/საგამოცდო სექტორის უფლებამოსილ პირს;

25. სტუდენტმა სემესტრული გამოცდების შედეგები უნდა მოითხოვოს გამოცდის ჩატარებიდან, არა უგვიანეს 7 სამუშაო დღის განმავლობაში.

საფუძველი: სასწავლო პროცესის მართვის სამსახურის უფროსის წარდგინება.

უნივერსიტეტის რექტორის
მოვალეობის შემსრულებელი:



ასოც. პროფ. შ. კირთაძე

სასწავლო პროცესის მართვის
სამსახურის უფროსი:

პროფ. იმერ ბასილაძე